

欽定宋史

卷四百八十七之四百九十六

欽定宋史

卷一百一十五

宋史卷四百八十七

元 中 書 右 丞 相 總 裁 脫 脫 等 修

列傳第二百四十六

外國三

高麗

高麗本曰高句驪禹別九州屬冀州之地周爲箕子之國漢之玄菟郡也在遼東蓋扶餘之別種以平壤城爲國邑漢魏以來常通職貢亦屢爲邊寇隋煬帝再舉兵唐太宗親駕伐之皆不克高宗命李勣征之遂拔其城分其地爲郡縣唐末中原多事遂自立君長後唐同光天成中其主高氏累奉職貢長興中權知國事王建承高氏之位遣使朝貢以建爲玄菟州都督充大義軍使封高麗國王晉天福中復來朝貢開運二年建死子武襲位漢乾祐末武死子昭權知國事周廣順元年遣使朝貢以昭爲特進檢校太保使持節玄菟州都督大義軍使高麗國王顯德二年又遣使來貢加開府儀同三司檢校太尉又加太師建隆三年十月昭遣其廣評侍郎李興祐副使李勵希判官李彬等來朝貢四年春降制曰古先哲后奄宅中區曷嘗不同文軌於萬方覃聲教於四海顧予涼德猥被鴻名爰致賓王宣優錫命開府儀同三司

檢校太師玄菟州都督充大義軍使高麗國王昭日邊鍾粹遼左推雄習箕子之餘風撫朱蒙之舊俗而能占雲候海奉贄充庭言念傾輸實深嘉尙是用賜之懿號疇以公田載推柔遠之恩式獎拱辰之志於歲來朝萬里美愛戴之有孚柔撫四封庶混并之無外永保東裔聿承天休可加食邑七千戶仍賜推誠順化保義功臣其年九月遣使時贊等來貢涉海值大風船破溺死者七十餘人贊僅免詔加勞恤開寶五年遣使以方物來獻制加食邑賜推誠順化守節保義功臣進奉使內議侍郎徐熙加檢校兵部尙書副使內奉卿崔鄴加檢校司農卿並兼御史大夫判官廣評侍郎康禮試少府少監錄事廣評員外郎劉隱加檢校尙書金部郎中皆厚禮遣之昭卒其子伯權領國事九年伯遣使趙遵禮奉土貢以父沒當承襲求聽朝旨授伯檢校太保玄菟州都督大義軍使封高麗國王太宗卽位加檢校太傅改大義軍爲大順軍遣左司禦副率于延超司農寺丞徐昭文使其國伯遣國人金行成入就學於國子監太平興國二年遣其子元輔以良馬方物兵器來貢其年行成擢進士第三年又遣使貢方物兵器加伯檢校太師以太子中允直舍人院張洎著作郎直史館句中正爲使四年復遣供奉官閻門祇候王僕使其國五年六月再遣使貢方物六年又遣使來貢七年伯卒其弟治知國事遣使金全奉金銀線罽錦袍褥金銀飾刀劍弓矢名馬香藥來貢且求襲位授治檢校太保玄菟州都督充大順軍使封高麗國王以監察御史李

巨源禮記博士孔維壽使雍熙元年遣使韓遂齡以方物來貢二年加治檢校太傅遣翰林侍書王著侍讀呂文仲充使三年出師北伐以其國接契丹境常爲所侵遣監察御史韓國華實詔諭之曰朕誕膺丕構奄宅萬方華夏蠻貊罔不率俾茲北裔侮敗王略幽薊之地中朝土疆晉漢多虞實緣盜據今國家照臨所及書軌大同豈使齊民陷諸獷俗今已董齊師旅殄滅妖氛惟王久慕華風素懷明略效忠純之節撫禮義之邦而接彼邊疆罹於蔓毒舒泄積憤其在茲乎可申戒師徒迭相犄角必比鄰國同力盪平奮其一鼓之雄戡此垂亡之寇良時不再王其圖之應俘獲生口牛羊財物器械並給賜本國將士用申賞勸先是契丹伐女真國路由高麗之界女真意高麗誘導構禍因貢馬來懇于朝且言高麗與契丹結好倚爲勢援剽略其民不復放還洎高麗使韓遂齡入貢太宗因出女真所上告急木契以示遂齡仍令歸白本國還其所俘之民治聞之憂懼及國華至令人言於國華曰前歲冬末女真馳木契來告稱契丹興兵入其封境恐當道未知宜豫爲之備當道與女真雖爲鄰國而路途遐遠彼之情僞素知之矣貪而多詐未之信也其後又遣人告曰契丹兵騎已濟梅河當道猶疑不實未暇營救俄而契丹雲集大擊女真殺獲甚衆餘族敗散逃遁而契丹壓背追捕及于當道西北德昌德成威化光化之境俘擒而去時有契丹一騎至德米河北大呼關城戍卒而告曰我契丹之騎也女真寇我邊鄙率以爲常今則復仇已畢

整兵回矣當道雖聞師退猶憂不測乃以女真避兵來奔二千餘衆資給而歸之女真又勸當道控梅河
津要築治城壘以爲防遏之備亦以爲然方令行視興功不意女真潛師奄至殺略吏民驅掠丁壯沒爲
奴隸轉徙他方以其歲貢中朝不敢發兵報怨豈期反相誣構以惑聖聽當道世稟正朔踐修職貢敢有
二心交通外國況契丹介居遼海之外復有大梅小梅二河之阻女真渤海本無定居從何徑路以通往
復橫罹讒謗憤氣填膺日月至明諒垂昭鑒間者女真逃難之衆罔不存恤亦有授以官秩尙在當國其
職位高者有勿屈尼于郝元尹能達郝老正衛迦耶夫等十數人欲望召赴京闕與當道入貢之使庭辯
其事則丹石之誠庶幾昭雪國華諾之乃命發兵西會治遷延未卽奉詔國華屢督之得報發兵而還具
錄女真之事以奏焉十月遣使朝貢又遣本國學生崔罕王彬詣國子監肄業端拱元年加治檢校太尉
以考功員外郎兼侍御史知雜呂端起居舍人呂祐之爲使二年遣使來貢詔其使選官侍郎韓蘭卿副
使兵官郎中魏德柔並授金紫光祿大夫判官少府丞李光授檢校水部員外郎先是治遣僧如可實表
來覲請大藏經至是賜之仍賜如可紫衣令同歸本國淳化元年三月詔加治食邑千戶遣戶部郎中柴
成務兵部員外郎直史館趙化成往使其國俗信陰陽鬼神之事頗多拘忌每朝廷使至必擇良月吉辰
方具禮受詔成務在館踰月乃遣書於治曰王奕葉藩輔尊獎王室凡行大慶首被徽章今國家特馳信

使以申殊寵非止厯川塗之綿邈亦復臨溟海之艱危皇朝瞻遇斯亦隆矣而乃牽於禁忌泥於卜數眩惑日者之浮說稽緩天子之命書惟典冊之垂文非卜祝之能曉是以書稱上日不推六甲之元辰禮載仲冬但取一陽之嘉會粲然古訓足以明稽所宜改圖速拜君賜儼鳳綽無滯克彰拱極之誠則龍節有輝免貽辱命之責謹以誠告王其聽之治覽書慚懼遣人致謝焉會霖雨不止仍以俟霽爲請成務復遣書以責之治翌日乃出拜命二年遣使韓彥恭來貢彥恭表述治意求印佛經詔以藏經并御製祕藏詮逍遙詠蓮華心輪賜之四年正月治遣使白思柔貢方物并謝賜經及御製二月遣祕書丞直史館陳靖祕書丞劉式爲使加治檢校太師仍降詔存問軍吏耆老靖等自東牟趣八角海口得思柔所乘海船及高麗水工卽登舟自芝岡島順風泛大海再宿抵壘津口登陸行百六十里抵高麗之境曰海州又百里至閭州又四十里至白州又四十里至其國治迎使于郊盡藩臣禮延留靖等七十餘日而還遣以襲衣金帶金銀器數百兩布三萬餘端附表稱謝先是三年上親試諸道貢舉人詔賜高麗賓貢進士王彬崔罕等及第既授以官遣還本國至是靖等使回治上表謝曰學生王彬崔罕等入朝習業蒙恩並賜及第授將仕郎守祕書省校書郎仍放歸本國竊以當道薦修貢奉多厯歲年蓋以上國天高遐荒海隔不獲躬趨金闕面叩玉墀惟深拱極之誠莫展來庭之禮彬罕等幼從龍繫嗟混迹於岵夷不憚蓬飄早賓王

於天邑縑繡襦褐玉粒桂薪堪憂食貧若爲卒歲皇帝陛下天慈照毓海量優容豐其館穀之資勗以藝文之業去歲高懸軒鑑大選魯儒彬罕接武澤宮敢萌心於中鵠濫巾英域空有志於羨魚陛下以其萬里辭家十年觀國俾登名於桂籍仍命秩於芸臺憫其懷土之心慰以僉門之望別垂宸旨令歸故鄉玄造曲成鴻恩莫報臣不勝感天戴聖之至又有張仁銓者進奉使白思柔之孔目吏也上書獻便宜思柔意其持國陰事以告仁銓懼不敢歸上命靖等領以還國仍詔治釋仁銓罪治又上表謝曰官告國信使陳靖劉式至奉傳聖旨以當道進奉使從行孔目官張仁銓至闕輒進便宜翻懷憂懼今附使臣帶歸本國者仁銓謁宅細民海門賤吏獲趁上國敢貢愚誠罔思狂瞽之尤輒奏權宜之事妄塵旒冕上黷朝廷今者仰奉綸旨釋其罪咎小人趨利豈虞僭越之求聖主寬恩遠降哀矜之命其張仁銓者已依詔有放罪令掌事如故又上書願賜板本丸經書用敦儒教許之先是式等復命治遣使元證衍送之證衍至安香浦口值風損船溺所賫物詔登州給證衍文據遣還仍賜治衣段二百疋銀器二百兩羊五十口五年六月遣使元郁來乞師懇以契丹寇境朝廷以北鄙甫寧不可輕動干戈爲國生事但賜詔慰撫厚禮其使遣還自是受制于契丹朝貢中絕治卒弟誦立嘗遣兵校徐遠來候朝廷德音遠久不至咸平三年其臣吏部侍郎趙之遴命牙將朱仁紹至登州偵之州將以聞上特召見仁紹因自陳國人思慕皇化爲契

丹羈制之狀乃賜誦鈿函詔一道令仁紹實還六年誦遣使戶部郎中李宣古來朝謝恩且言晉割燕薊以屬契丹遂有路趣玄菟屢來攻伐求取不已乞王師屯境上爲之牽制詔書優答之誦卒弟詢權知國事先是契丹旣襲高麗遂築六城曰興州曰鐵州曰通州曰龍州曰龜州曰郭州于境上契丹以爲貳己遣使來求六城詢不許遂舉兵奄至城下焚蕩宮室剽劫居人詢徙居昇羅州以避之兵退乃遣使請和契丹堅以大城爲辭自是調兵守六城大中祥符三年大舉來伐詢與女真設奇邀擊殺契丹殆盡詢又于鴨綠江東築城與來遠城相望跨江爲橋潛兵以固新城七年方遣告奏使御事工部侍郎尹證古以金線織成龍鳳鞍并綉龍鳳鞍幪各二幅細馬二疋散馬二十疋來貢證古還賜詢詔書七通并衣帶銀綵按勒馬等八年詔登州置館於海次以待使者其年又遣御事民官侍郎郭元來貢元自言本國城無垣牆府曰開城管六縣民不下三五千有州軍百餘置十路轉運司統之每州管縣五六小者亦三四每縣戶三四百國境南北千五百里東西二千里軍民雜處隸軍者不黥面方午爲市不用錢第以布米貿易地宜秔稻風俗頗類中國無羊兔橐駝水牛驢氣候少寒暑差多有僧無道士民家器皿悉銅爲之樂有二品曰庫樂曰鄉樂三歲一試舉人有進士諸科算學每試百餘人登第者不過一二十每正月一日五月五日祭祖禩廟又正月七日家爲王母像戴之二月望僧俗燃燈如中國上元節上巳日以青艾染

餅爲盤羞之冠端午有鞦韆之戲士女服尙素地產龍鬚席藤席白礪紙鼠狼尾筆尤辭貌恭恪每受賜必自爲謝表粗有文采朝廷待之亦厚九年辭還賜詢詔書七函襲衣金帶器幣鞍馬及經史厯日聖惠方等元又請錄國朝登科記及所賜御詩以歸從之天禧元年遣御事刑官侍郎徐訥奉表獻方物于崇政殿又賀封建壽春郡王三年九月登州言高麗進奉使禮賓卿崔元信至秦王水口遭風覆舟漂失貢物詔遣內臣撫之十一月元信等入見貢罽錦衣襖烏漆甲金飾長刀匕首罽錦鞍馬紵布藥物等又進中布二千端求佛經一藏詔賜經還布以元信覆溺匱乏別賜衣服繒綵焉明州登州屢言高麗海船有風漂至境上者詔令存問給度海糧遣還仍爲著例五年詢遣告奏使御事禮部侍郎韓祚等一百七十九人來謝恩且言與契丹修好又表乞陰陽地理書聖惠方並賜之金行成者累官至殿中丞治表乞放還行成自以筮仕朝廷不願歸本國又以父母垂老在海外旦暮思念恨祿不及令工圖其像置正寢與妻史氏居旁室晨夕定省上食未嘗少懈淳化初通判安州被病知州李範與僚佐數人省之行成病已篤泣且言曰行成外國人爲朝官佐郡政病且死未有以報主恩雖瞑目固有遺恨二子宗敏宗訥皆幼家素貧無他親可依旦暮委溝壑矣未幾行成死其妻養二子誓不嫁織屨以給範表其事詔以宗敏補太廟齋郎令安州月給其家錢叁緡米五斛長吏歲時存問又高麗信州永寧人康戰字休祐父允三

世爲兵部侍郎戡少好學時純升與契丹交兵戡從允戰木葉山下連中二矢神色不變後陷契丹遷居
墨斗嶺又至黃龍府間道得歸高麗時允猶在開寶中允遣戡隨賓賁肄業國學太平興國五年登進士
第解褐大理評事知湘鄉縣再遷著作佐郎知江陰軍江州歷官以清白幹力聞改太常博士蘇易簡在
翰林稱其吏才命爲廣南西路轉運副使賜緋魚就遷正使再轉度支員外郎戶部判官出知峽越二州
連被詔襲其能政又爲京西轉運使加工部郎中賜金紫戡所至好行事上章多建白以竭誠自任景德
三年卒眞宗特以其子希齡爲太常寺奉禮郎給奉終喪乾興元年二月祚等辭歸國賜詢如故事會眞
宗宴駕又賚遺物以賜詢天聖八年詢復遣御事民官侍郎元穎等二百九十三人奉表入見於長春殿
賈金器銀鬪刀劍鞍勒馬香油人參細布銅器礪黃青鼠皮等物明年二月辭歸賜予有差遣使護送至
登州其後絕不通中國者四十三年詢孫徽嗣立是爲文王熙寧二年其國禮賓省移牒福建轉運使羅
拯云本朝商人黃眞洪萬來稱運使奉密旨令招接通好奉國王旨意形于部述當國僻居陽谷邈懸天
朝頃從祖嗣以來素願梯航相繼最爾平壤邇于大遼附之則爲睦鄰疎之則爲勍敵慮邊疆之弗思蕃
陸襲以靡遑久困羈縻難圖搗貳故違述職致有積年屢卜雲祥雖美聖辰於中國空知日遠如迷舊路
於長安運屬垂鴻禮稽展慶大朝化覃無外度豁包荒山不謝乎纖埃海不辭於支派謹當遵尋通道

赴稿街但茲千里之傳聞恐匪重霄之紆眷今以公狀附真萬西遷俟得報音卽備禮朝貢徽又自言嘗夢至中華作詩紀其事三年拯以聞朝廷議者亦謂可結之以謀契丹神宗許焉命拯諭以供擬腴厚之意徽遂遣民官侍郎金悌等百十人來詔待之如夏國使往時高麗人往反皆自登州七年遣其臣金良鑑來言欲遠契丹乞改塗由明州詣闕從之郡縣供頓無舊準頗擾民詔立式頒下費悉官給又以其不邇華言恐規利者私與交關令所至禁止徽問遺二府甚厚詔以付市易務售緋帛答之又表求醫藥畫塑之工以教國人詔羅拯募願行者九年復遣崔思訓來命中貴人倣都亭西驛例治館待之寢厚其使來者亦益多嘗獻伶官十餘輩曰夷樂無足觀止欲潤色國史爾帝以其國尙文每賜書詔必選詞臣著撰而擇其善者元豐元年始遣安燾左諫議大夫陳睦假起居舍人往聘造兩艦於明州一曰淩虛安濟致遠次曰靈飛順濟皆名爲神舟自定海絕洋而東旣至國人歡呼出迎徽具袍笏玉帶拜受詔與燾睦尤禮館之別宮標曰順天館言尊順中國如天云徽已病僅能拜命且乞醫藥二年遣王舜封挾醫往診治徽又使柳洪來謝海中遇風失所貢物洪上章自劾敕書安慰尋獻日本所造車曰諸侯不貢車服故不敢與土貢同前此貢物至輒下有司估直償以萬緡至是命勿復估以萬緡爲定數六年徽卒在位三十八年治尙仁恕爲東夷良主然猶循其俗王女不下嫁臣庶必歸之兄弟宗族貴臣亦然次子運諫以

爲既通上國宜以禮革故習舊俗

外修浮屠供一月遣楊景略王舜封祭

奠錢繩宋球弔慰景略辟李之儀書狀帝以之

善宜得問學博治器宇整秀者召赴中書試以

文乃遣又以遠服不責其備諭使者以相見之所殿名鵠吻皆聽勿避徽子順王勳嗣百日卒弟宣王運

仁賢好文內行飭備每賈客市書至則潔服焚香對之八平遣其弟僧統來朝求問佛法并獻經像哲宗

立遣使金上琦奉慰林暨致賀請市刑法之書太平御覽開寶通禮文苑英華詔惟賜文苑英華一書以

名馬錦綺金帛報其禮運立四年卒子懷王堯嗣未闔歲以病不能爲國國人請其叔父雖林公熙衛攝

政未幾堯卒熙乃立凡數歲使不至元祐四年其王子義天使僧壽介至杭州祭亡僧言國母使持二金

塔爲兩宮壽知州蘇軾奏却之語在軾傳熙後避遼主諱改名顯顯性貪吝好奪商賈利富室犯法輒久

廢責贖雖微罪亦輸銀數斤五年復通使賜銀器五千兩七年遣黃宗懋來獻黃帝鍼經請市書甚衆禮

部尚書蘇軾言高麗入貢無絲髮利而有五害今請諸書與收買金箔皆宜勿許詔許買金箔然卒市冊

府元龜以歸元符中遣士賓貢徽宗立遣任懿王嘏來弔賀崇寧二年詔戶部侍郎劉達給事中吳拭往

使暉卒子俱嗣貢使接踵且令士子金瑞等五人入太學朝廷爲置博士政和中升其使爲國信禮在夏

國上與遼人皆隸樞密院改引伴押伴官爲接送館伴賜以大晟燕樂籩豆簠簋尊罍等器至宴使者于

睿謨殿中宣和四年俱卒初高麗俗兄終弟及至是諸弟爭立其相李資深立俱子楷來告哀詔給事中
路允迪中書舍人傅墨卿莫慰俱之在位也求醫於朝詔使二醫往留二年而歸楷語之曰聞朝廷將用
兵伐遼遼兄弟之國存之足爲邊扞女真狼虎耳不可交也業已然願二醫歸報天子宜早爲備歸奏其
言已無及矣欽宗立賀使至明州御史胡舜陟言高麗靡敝國家五十年政和以來人使歲至淮浙之間
苦之彼昔臣事契丹今必事金國安知不窺我虛實以報宜止勿使來乃詔留館於明而納其貲幣明年
始歸國自王徽以降雖通使不絕然受契丹封冊奉其正朔上朝廷及他文書蓋有稱甲子者歲貢契丹
至於大而誅求不已常云高麗乃我奴耳南朝何以厚待之使至其國尤僭暴館伴及公卿小失意輒行
摔箠聞我使至必假他事來覘分取賜物嘗詰其西向修貢事高麗表謝其略曰中國三甲子方得一朝
大邦一周天每修大貢契丹悟乃得免高宗卽位慮金人通於高麗命迪功郎胡蠡假宗正少卿爲高麗
國使以問之蠡之回史失書二年浙東路馬步軍都總管楊應誠上言由高麗至女真路甚徑請身使三
韓結雞林以圖迎二聖乃以應誠假刑部尙書充高麗國信使浙東帥臣翟汝文奏言應誠欺罔爲身謀
耳若高麗辭以金人亦請問津以窺吳越其將何辭以對萬一辱命取笑遠夷願毋遣應誠聞之遂與副
使韓衍書狀官孟健由杭州浮海以行六月抵高麗諭其王楷以所欲爲楷曰大朝自有山東路蓋不由

登州往應誠曰以貴國路徑耳櫓有難色已而命其門下侍郎傅僧至館中果對如翟汝文言應誠曰女
真不善水戰僧曰彼常於海道往來況女真舊臣本國今反臣事之其強弱可見矣居數月復遣其中書
侍郎崔洪宰知樞密院金富軾持前議不變謂二聖今在燕雲大朝卽盡納土未必可得何不練兵與戰
終不奉詔應誠留兩月餘不得已見櫓於壽昌門受其拜表而還十月至闕入對言狀上以櫓貢國恩怒
甚尙書右丞朱勝非曰彼鄰金人與中國隔海利害甚明曩時待之過厚今安能責其報也右僕射黃潛
善曰以巨艦載精兵數萬徑擣其國彼寧不懼勝非曰越海興師燕山之事可爲近鑒上怒解十一月櫓
遣其臣尹彥頤奉表謝罪詔以二聖未歸燕設不宜用樂乃設幕殿門外命客省官吳得興伴賜酒食命
中書舍人張激押伴如禮遣還三年八月上謂輔臣曰聞上皇遣內臣宮女各二人隨高麗貢使來朕聞
之悲喜交集呂頤浩曰此必金人之意不然高麗必不敢安知非窺我虛實以報於是詔止之略曰王廩
守基圖夙同文軌乃附乘桴之信嗣修貢篚之恭惟忠順之無他質神明而靡愧屬關聽良用歎嘉言
念晚年實爲多故舉中原之生聚遭強敵之震驚旣涉境以采深猶稱兵而未已茲移仗衛暫駐江湖如
行使之果來恐有司之不戒俟休邊境當問聘期壞晉館以納車庶無後悔閉漢關而謝質非用前規想
彼素懷知吾誠意紹興元年十月高麗將入貢禮部侍郎柳約言四明殘破之餘荒蕪單弱恐起戎心宜

屯重兵以俟其至十一月詔柳約奉使高麗不果行二年閏四月楷遣其禮部員外郎崔惟清閤門祇候沈起入貢金百兩銀千兩綾羅一百疋人參五百斤惟清所獻亦三之一上御後殿引見賜惟清起金帶二答以溫詔遣還是月定海縣言民亡入高麗者約八十人願奉表還國詔候到日高麗綱首卓榮等量與推恩十二月聞高麗遣知樞密院事洪彝敘等六十五人來貢議以臨安府學館其使言者謂雖在兵間不可無學恐爲所窺詔以洪惠寺爲同文館以待之既而卒不至六年高麗持牒官金稚圭至明州賜銀帛遣之懼其爲金間也三十二年三月高麗綱首徐德榮詣明州言本國欲遣賀使守臣韓仲通以聞殿中侍御史吳芾奏曰高麗與金人接壤昔稚圭之來朝廷懼其爲間亟遣還今兩國交兵德榮之請得無可疑使其果來猶恐不測萬一不至貽笑遠方詔止之隆興二年四月明州言高麗入貢史不書引見日恐同彝敘之詐其後使命遂絕慶元間詔禁商人持銅錢入高麗蓋絕之也初高麗入使明越困於供給朝廷館遇燕賚賜予之費以鉅萬計饋其主者不在焉我使之行每乘二神舟費亦不貲三節官吏廩餼捐廩皆仰縣官昔蘇軾言于先朝謂高麗入貢有五害以此也惟是國於吳會事異東都昔高麗入使率由登萊山河之限甚遠今直趨四明四明距行都限一浙水耳由海道奉使高麗瀰漫汪洋洲嶼險阻過黑風舟觸礁輒敗出急水門至羣山島始謂平達非數日不至也舟南北行遇順風則歷險如夷至

不數日其國東西二千里南北五百里西北接契丹恃鴨綠江以爲固江廣三百步其東所臨海水清澈
下視十丈東南望明州水皆碧玉居開州蜀莫郡曰開成府依大山置宮室立城壁名其山曰神嵩民居
皆茅茨大止兩椽覆以瓦者才十二以新羅爲東州樂浪府號東京百濟爲金州金馬郡號南京平壤爲
鎮州號西京西京最盛總之凡三京四府八牧郡百有十八縣鎮三百九十洲島三千七百郡邑之小者
或只百家男女二百十萬口兵民僧各居其一地寒多山土宜松柏有稭黍麻麥而無秫以稭爲酒少繅
蠶匹緜直銀十兩多衣麻紵王出乘車駕牛歷山險乃騎紫衣行前捧護國仁王經以導出令曰教曰宣
臣民呼之曰聖上私謂曰嚴公后妃曰宮主百官名稱階勳功臣檢校頗與中朝相類過御史臺則下馬
違者有劾士人以族望相高柳崔金李四姓爲貴種無宦者以世族子爲內侍六衛歲十二月朔王坐紫
門小殿注官外官則付國相有國子監四門學學者六千人貢士三等王城曰上貢郡邑曰鄉貢他國人
曰賓貢間歲試于所屬再試于學所取不過三四十人然後王親試以詩賦論三題謂之籀前重試亦有
制科宏詞之目然特文具而已士尙聲律少通經王城有華人數百多閩人因賈舶至者密試其所能誘
以祿仕或強留之終身朝廷使至有陳牒來訴者則取以歸百官以米爲奉皆給田納祿半給死乃拘之
國無私田民計口授業十六以上則充軍六軍三衛常留官府三歲以選戍西北半歲而更有警則執兵